



VIRO
 Pietate, virtute, Eruditione
 præstantissimo
 DN. ANDREÆ IOSÆO
 Scholæ Servestanæ Cantori
 S P O N S O.

Cum
 Feminâ honestissimâ

U R S U L A

Viri quondam Prudentissimi
 Amplissimi

Dn. JOACHIMI PINCOVIIP. m.

Reipub. Servestanæ quondam Consulis, &c.
 relicta vidua

S P O N S A.

A. D. XIII. Cal. Decembr.

ANNI

CIJ IJ C. XV.

Nuptias Servestæ celebranti
 Gratulantur Discipuli.

SERVESTÆ

Typis Zachariæ Dörfferi.

EX AMPLISSIMO

DECRETUM

SCIENTIARUM

ARTIUM

UNIVERSITATIS

WILHELMINA

IN

WILHELMINA

WILHELMINA





R Ecce facis, doctissime
Josæ, jungis conjugem
quod VRVIAM tibi vinculo
Amoris insolubili.

Namq; ille rerum conditor,
Post universum conditum
Mundum, tori sanctissima
Jura ipse sancivit DEUS.

Quanam ergo vis, cultissime
JOSÆE, nuncupem tuis
Jam nuptiis, quam VRVLÆ
Vis vota nuncupem tuæ?

Quicquid bonorum amoribus,
Quicquid piorum nuptiis
Æquum est precari, amoribus
Vestris precorq; nuptiis.

Sit una mens, quæ conjuges
Jungat novos: Concordia,
Amor, Fides vos copulet,
Ne turbet ædes lis mala.

O alme rerum conditor,
Auctorq; vitæ conjugum,
Da, nostra quæ mens augurat,
Eventus ipse comprobet.

*Gratitudois ergo
scribebat*

*Michael Stigelius Cothenus
Scholæ Servestanæ
Alumnus,*

A L I U D.

EN tibi fausta dies venit, ô carissime Sponse,
Quâ celebras thalamo festa parata tuo.
Scilicet ista tibi divino munere Sponsa
Contigit antiquis moribus atq; piis.
Vincula namq; DEUS sacra introduxit in orbem,
Fecit & unanimi vivere Carne duos.
Ergo tibi thalamum, Cantor doctissime, faustum
Gratulor, & parilis mutua vinculatori,
Vincula quæ valeant semper, dum Cana senectus
Incidit, & præfens dum tibi vita manet.
Vivite concordēs ambo, depellite lites,
A vobis absint jurgia dira procul.
Ipsa precor vobis benedicat Numinis aura,
Vos superas cœli transferat inque domos.
Sanctæ Patris summi Flatus, Natiq; potestas,
Cujus inextinctus flamine spirat amor:
Amborum pariles affla sub pectore flammās;
Tu fac ut valeant hæc mea vota, DEUS!

Præceptori F.

Andreas Majerius

Serveſta-Anhaltinus.

A L I U D.

QVeis, quæſo, multum Præceptor amande, cele-
Ingenii dotes verſibus ipſe tuis? (brem
Quo Sponſæ cantem præclaras carmine laudes,
Quæ ſplendent, veluti Sol micat ipſe polo?
Namq; mihi ſterilis planè eſt, eſt arida vena,
Nec docto præſtò eſt carmine Apollo mihi.
Nam deguſtavi dulcem vix ritè labellis
Picridumq; amnes Theſpiadumq; ſacros,

Hæc

Hæc aliis igitur memoranda ego carmine linquo ,
Queis magis ex animo docta Minerva favet.
Propterea paucis feror ad pia vota precesq; ,
Maximus exaudit vota precesq; DEUS.
Faxit cunctipotens celsi moderator olympi ,
Qui servat validâ cuncta creata manu,
Faxit , ut aspiret fors dextera ubiq; locorum ,
De summo coeptis æthere missa tuis.
Faxit, concordés, veluti cum turture turtur,
Vivatis semper nocte dieq; , DEUS.
Faxit , & ut pylios vivatis molliter annos ,
Nestoris & perquam secula multa senis.

*Præptori & Affini suo F.
Johannes Pincovius
Cotheno-Anbaltinus.*

A L I V D.

Omnibus in rebus si quis vult cœpta jubente
Numine succedant prospera cuncta sibi:
Principium, finemq; DEUM mediumq; vocabit,
Nil planè in vitâ quo sine nostra valent.
Tu certè celebrans thalami felicis honores,
Præceptor, studii portio magna mei:
Conjugii auctorem precibus votisq; fatigas,
Successu ut fausto prosperet ille torum.
Queis sua Discipuli, Sponse ô Doctissime, jungunt,
Adjungam votis queis mea vota piis.
Nam pia deque pio devoto & corde profecta
Vota movent homines, Vota moventq; DEUM:
Floreat illorum thalamus, fac, alme JEHOVA,
Non lis hunc unquam turbet amara torum.
Vivite felices SPONSA VR VLA, SP NÆ JOSÆE,
Vivite Mathusalæ secula longa senis.

Vive pius ; casta quondam ut vixisse TOBIAM.
Cum SARA legimus, SPONSE Colende, Vale.

Grati animi declarandi causâ

Præceptori F.

Abrahamus Cremerus

Freistadio. Silesius.

Junior.

A L I U D.

Q Viste non statuat quater beatum,
O qui cultus ab Eruditione
Insigni teneram doces juventam!
O qui moribus expolitus, aeri
Exemplo instituis tuo docentes!
Claris dotibus aucta cui venusta
Virtutum VRSVLA Sponsa ab ipso Jhova
Datur. Quis statuat quater beatam
Te non, SPONSA decusq; honorq; honesti
Coetus feminei, tibi Jehova
Sponsum consociavit in perennem
Torum, qui valet Eruditione,
Quemq; almus decoravit arte multâ
Phœbus. Si mea vota apud Jehovana
Valebunt aliquid: preces subinde
Fundam, scilicet ut Jehova vestra
Firmet foedera, firmet usq; mentes
Nexu haud dissociabili plicatas,
Tandem actus bene prosperando vestros,
Vos in cœlicolûm reportet aulam.

In gratiam Præceptoris F.

Joannes Cremerus

Servesta-Anbaltinus.

Freistadio. Silesius.

ALI.



A L I U D.

O qui Thespiadum claris versatus in hortis,
O qui præclara notus ab arte venis.
O qui doctorum non ultima fama virorum,
Qui decus es patriæ, qui decus omne tuis.
O prope divino Præceptor honore colende,
Depromens varia è divite dona penu.
Hæc tua cœpta regat Dominus, qui fautor & autor
Conjugii, atq; suâ, SPONSE, secundet ope.
Mentès ut stabili jungat concordia nexu,
Floreat ut vester non periturus amor.
Horti, conjugium vestrum sit, fertilis instar,
Qui reddat fructus, sicut oliva, suos.
Immò dum lateri tibi Sponsa adjungitur, ipse
Gratulor & vobis prospera cuncta precor,
Conjugibus quæcunq; novis David ipse precatus
In Psalmo, vates præmia quo numerat
Illa, quibus veræ ornantur pietatis amantes,
Quem tibi quem tædis dedico, SPONSE, tuis.

O Nimiùm felix, ò terq; quaterq; beatius,
Qui Domini puro jussa timore colit,
Qui cavet à vero deflectere tramite vitæ,
Summo cum studio qui fugit omne nefas!
Te manuum assidui pascent duriq; labores,
Fercula nam carpes parta labore tuo.
Copia partarum rerum simul affluet omnis,
Innumerasq; tibi fundet agellus opes.
Nobilis ut palmes dulci foetu quasi pregnans,
Et comis cingens undiq; tecta domus,

PSAL.
CX XV III.

Exbi-

*Exhilarans animum prædulcia gaudia gignit,
Imbuit & suavi pectora letitiâ.
Sic tua proveniens conjux à principe summo,
Qui sacrum instituit conjugiumq; piûm,
Est medicina tibi semper dulcissima, gratâ
Mentem letitia recreat atq; tuam.
Quàm multus placidæ succrescit palmes olive,
Tu quoq; tam multa prole beatus eris.
Pignora quæ mensam circum tot chara videbis,
Quas tibi letitias, gaudia quantâ ferent.
Te Deus aspiciet placatus ab arce Sionis,
Ac in te subito depluet omne bonum.
Legibus ut justis, & festâ pace nitentem
Conspicias Solymam mœnia sacra DEI.
Atq; tuam vitam perlongo tempore ducas,
Natorum natos ut numerare queas.*

Hos ergo versus placido tu suscipe, SPONSE,
Vultu, & cum Sponsâ consule quæso boni.
Vivite concordēs multos feliciter annos,
In laudem & cedant omnia vestra DEI.
Mens sana & validæ sint sano in corpore vires,
Ære crumena, domus panem meroq; crepet.
Ac semel amborum qui pectora copulat unus,
Perpetuò vigeat, crescat & urat amor.

*In gratiam
Præceptoris sui F.
Felix Haustadius
Servesta-Anhaltinus.*

F I N I S.

Cl 1926

ULB Halle 3
001 556 118




Stk. 6 = Handschrift

Sb.

Paul Friedrich
Buchbindereimeritor
Merseburg a. S.

1017





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

B.I.G.

Farbkarte #13



60

Eruditione
mo
E I O S Æ O
næ Cantori
S O.
tiffimâ
L A
dentissimi
i
NCOVII p. m.
dam Consulis, &c.
ia
S A.
Decembr.
XV.
celebranti
cipuli.
Æ
Dörfferi.

